



САМУРДИН

ссс

«Магъарамдхуьруьн район» МР-дин общественно-политический газет.
Общественно-политическая газета МР «Магарамкентский район».

Тешкилайди: «Магъарамдхуьруьн район» МР.

Газет 1951- йисалай акъатзава. № 44 (7701) киш, 13- сентябрь, 2014- йис. Къимет 3 манат.

МР-дин АДМИНИСТРАЦИЯДА

Члехи проектри алакъалу ийида



ДАГЪУСТАН Республикадин къил Рамазан Абдулатипов Чечнядин республикада хъана. Ана Чечнядин руководитель Рамзан Кадыровичахъ галаз къве къунши регионрин алакъяр мадни геъеншарунин гъакъиндай месэляяр гъална. Рамазан Абдулатипова къейд авурвал, винидихъ арадал къвезвай дегишвилер фикирда къуна, гележегда Чечня ва Дагъустан неинки стхавилин алакъяйри, гъак саналди тир члехи проектрини алакъялу ийида.

Рамзан Кадырова къве республикадин стхавилин алакъяр гележегда мадни геъенш ва регионар мягъкем жедайди къейдна.


Шикилда: Дагъустан Республикадин ва Чечня Республикадин къилер экономикадин рекъяй санал къвалахун меслят хъана.

ВИРИ КРАР ВАЖИБЛУ Я

МУНИЦИПАЛЬНЫЙ райондин администрациядин аппаратдин работникрин 8-августдиз къиле феи совещание хуш ва шад вакъиай дилай башламишна. Райадминистрациядин къилин везифаяр вахтуналди тамарзавай Гъабибуллагъ Мурадалиева муниципальный райондин къил Фарид Агъмедовав понкратиондай ва акахъай единоборстводай Международной Федерациядин тебрикдин чар (шикилда) вахкана. Спортсменрин ва

тренеррин шикиларни алай тебрикдал английский члалал кхъенва: «Гъуьрметлу Фарид Загъидинович! Акахъай единоборстводай дуйньядин чемпионат тухунин тереф хуьнай ва куьмек гунай чухсагъул!» Инал Фарид Загъидиновича райондани спорт вилик тухуниз къетлен фикир гузвайди, райондин спортсменризни члехи турнирра иштиракдай мумкинвал ва куьмекар гузвайди къейд ийиз кланзава.

➔ 2



МР-дин АДМИНИСТРАЦИЯДА

ВИРИ КРАР ВАЖИБЛУ Я

1 ←

Ахпа совещаниедин ишти-ракчийри чуьлдин кваллахар кыле физвай гьалдин гьакъиндай «Хуьруьн майишатдин отдел» МКУ-дин директор, хуьруьн майишатдин илимрин кандидат Насир Ибрагимован информациядихъ яб акална.

-Алай вахтунда,- кьейдна Насир Абдурагъмановича,- вилик аквазнавай важиблу месэлайрикай сад ципицлар кватлун я. И кар кьайдада аваз кыле физва. Гьелелиг 1500 тонн ципицлар кватнава. Амма кьередин кумек герек кьезва. Къвайи марфари ципицлар кватлуниз рехъ ачухна. Идани вичин нубатдай ери агъузарунал гизва. Ихътин гьалар неинки са чи районда, гьакI ципицлар битмишарзавай виринра арадал атанва. Кваллахдиз кьецI гузвай кьвед лагъай месэла улакьар бес тахун я.

Образованиедин управлени-

един начальникдин заместитель Нияз Гьалимова хабар гайивал, вири школайра цийи клелдай йис тешкиллувилелди башламишна. 3-сентябрдиз райондин школьникри терроризмдиз акси акцияр, гуьгъуьнлай вири школайра субботникар кыле тухвана. Шоколадин яшда авай вири аялар партайрихъ ацукьна.

- Райондин школайрин вири малимар медицинадин килигунрай акъатна,- кьейдна ЦРБ-дин килин духтур Гьажибала Беглерова. - Заз са кардал фикир желбиз кланзава-медицинадин килигунри пул истемишзава. Къведай йисан бюджет тукьлуьрдайла и кар фикирда кьуна кланзава.

Чилин алакъайрин ва чил ишлемишунин отделдин начальник Басир Исабекова вичин информацияда кьейд авурвал, чилин инвентаризация давам жезва, чилелай кьезвавай налогар кватзава.

Совещаниедал гьакI культурадин отделдин начальник Э. Сели-

мован, ФК-дин ва спортдин рекъай отделдин начальник А.Кадашеван, ГО ва ЧС отделдин начальник З. Азимован информациярихъни яб акална.

Эхирдай муниципальный райондин кьил Фарид Агъмедова гьалай вири месэлайрин нетижар кьуна, хъувуна кланзавай кваллахрал фикир желбна. Райондин кьили кьейд авурвал, налогар кватлуни кваллах маднин усал хъанва. Са бязи хуьрерин администрацийрин килери чпин хиве авай жавабдарвал ерли гьисс ийизвач. Амма аваданламишунин кваллахар тухудайла пул авач лугъуз шикаят ийизва. Пул кваллахайла, хиве авай кардив жавабдарвилелди эгечайла жедайди фикирдай акъудзава. Чун патал вири крар важиблу я. Кьвед лагъай дережадин месэлаяр тахун герек я.

Ф. ГЪАЖИЕВ.

9- СЕНТЯБРДИЗ муниципальный райондин администрациядин заседанийрин залда «Магъарамдхуьруьн район» МР-дин кьил Фарид Агъмедован, райондин администрациядин килин везифаяр вахтуналди тамарзавай Гьабибуллагуь Мурадалиеван, администрациядин ва райцентрдал алай са жерге идарайрин работникрин, хуьрерин администрацийрин килерин иштираквал аваз совещание кыле фена.

Совещаниедал хуьрерин администрацийри агъалийрин яшайишдин шартлар хъсанарун патал тухузвай кваллахдин, кватлазавай налогрин гьакъиндай са жерге хуьрерин администрацийрин килерин информациярихъ яб акала.

И месэладин винел рахай «Магъарамдхуьруьн район» МР-дин кьил Фарид Загъидиновича чкадин бюджетдиз кьезвавай налогар кватлуни кваллах разивал ийиз тежедайди, налогар кватлуни кваллахда кимивилер

КИМИВИЛЕР КЪАЛУР ХЪУВУНА



амайди ва и месэла дуьз тешкил тавунвайди лагъана. Са бязи хуьрерин администрацийри зегъметдин низам зайиф хъуниз рехъ гуналди МР-дин администрациядин тапшуругъар ва управленийрин руководителрин кьалурунар вахт-вахтунда тамар тийизвайди кьейдна. Фарид Загъидиновича хуьрерин администрацийрин килериз налогар кватлуни кваллах хъсанарун, ам тешкиллувилелди кыле тухун ва мукьвал тир вахтара месэла куьтягун клелелай истемишна.

Совещаниедал гьакI, районда хуьтлуьз гьазурвилер аквазвай гьакъиндай ЖКХ-дин начальник И. Тагъирова, районда диспансеризация физвай гьалдин гьакъиндай ЦРБ-дин килин духтурдин заместитель С. Мирзегъасановади, «Россельхозбанкдин» управляющий М. Агъмедова информацияр авуна.

Эхирдай гьалай месэлайрин винел талукъ тир кьарар кьабулна.

Р. МУРАДАЛИЕВ.

ЭЛКЪВЕЙ СТОЛ

Эвелимжи проектар - уьмуьрдиз



РАЙОНДИН администрацияда райондин общественный Советди Дагъустан Республика вилик тухунин эвелимжи проектар уьмуьрдиз кечирмишзавай гьал веревирд авуниз талуькарна элкъвей стол тухвана. Гуьруьшда райондин общественный Советдин членри, райондин администрациядин работнири, райондин идарайрин руководителри, арендаторри, общественностдин ва СМИ-рин векилри иштиракна.

Элкъвей столдин кваллах ачухуналди, райондин общественный Советдин председатель Агъадаш Нагъметулла-

ева кьейд авурвал, и серенжем тамамарунин мурад РД вилик тухунин эвелимжи планар уьмуьрдиз кечирмишун патал къабулзавай серенжемар агъалийрихъ агакъарун я. Ахпа ада 2013- йисуз ва 2014- йисан сад лагъай паюна РД-дин промышленность, хуьруьн майишат ва социально-экономический маса хилер вилик тухунин не-тижайрикай куьрелди суьгъбет авуна.

«Агропромышленный не-тижалу комплекс» проект районда уьмуьрдиз кечирмишун патал къабулзавай серенжемрин гьакъиндай «Хуь-

руьн майишатдин отдел» МКУ-дин директор, хуьруьн майишатдин илимрин кандидат Насир Ибрагъимова гегъенш суьгъбет авуна. Ада хуьруьн майишатдин хилер вилик тухун патал килин гьихътин программаяр туйклуьрнаватла, чи райондин шартлара проект уьмуьрдиз кечирмишун патал гьихътин серенжемар кьиле тухун тайинарнаватла лагъана.

Дагъустан Республикада эцигзавай ва эцигун фикирда авай важиблу объектрин, гьакъ Дагъустандиз инвестицияр желб авунин гьакъиндай райадминистрациядин экономикадин отделдин начальник Тимур Техмезова гегъенш суьгъбет авуна.

Элкъвей столдихъ райадминистрациядин кадрийрин кваллахдин ва информациядалди таъминарунин отделдин начальник Леонард Буржалиева кьейд авурвал, эвелимжи проектар уьмуьрдиз кечирмишзавай гьалдин гьакъиндай вири информация «Магъарамдхуьруьн район» МР-дин официальный сайтдай жагъида.

Учебникар къачуда

ДАГЪУСТАНДИН образованиедин ва илимрин министерстводи цийи келунин йисуз федеральный гьукуматдин образованиедин цийи стандартрай келунал элячйнавай 4-классрин ученикар патал 2014-йисуз 70,7 миллион манатдин учебникар къачузва, - хабар гузва ведомстводин пресс-куьллугъди. Ик, 4-классрин анжах 75-80 процент учебникар асул учебникралди таъминариз жеда.

Вири учебникралди, гьакъ

тарсарилай гуьгъуьниз 4-классар патал алава сятер финанстрин такъатралди таъминарунин месэлайриз килигун министерстводи Дагъустандин Гьукуматдивай тлалабнава.

Республикада умуми образованиедин хиле цийивилерин серенжемрин Комплекс вилик тухунин сергъятра аваз федерациядин бюджетдай умуми образованиедин идарайрин библиотекайрин фонд ацурунин кардизни пулдин такъатар чара ийизва. И такъатрихъ 2011-2012-

келунин йисуз ученикар федеральный государстводин образованиедин стандартрихъ (ФГОС) галаз алакьалу яз 1-3-классра келзавай ученикар учебникралди таъминарна. Ученикар районрин ва шегъеррин образованиедин управленийрин заявкайрин бинедаллаз рекъе туна. Алай вахтунда цийи ФГОС-дин стандартрай келзавай 1-3-классрин вири ученикар учебникралди таъминарнава, - кьейдна ведомстводи.

М. ЖЕЛИЛ

Чи тарихдин чинар

АЛАМАТДИН СА МАЙВА

Пуърхуьцларни
Тахнифар,
Чупазарни
Хатрутар
Спеларни, гьак
Тутар...

И майвайрал
чаз течир гьикьван
алатла тварар? Икь-
ван пара тварар
алай и майва Лезгис-
танда гьар са хуьре
чахъ ава. Неъ кламай
кьван, кичле жемир,
дакьвадач. Ругуг ме-
тердушабар, ирид
талдин дарман я, ап-
текрай кьез аквадач,
лагьайтла куьн ягъа-
дач.

* * *

Вун лезги яз
Клан жемир ваз
Лезги члалаз
Зиянар гуз.
«Чизвайди заз
Гзафни кваз
Я, мад кландач
Тахьуй лугьуз.

Члал михьиз хуьх,
Ам ви мез я,
Члалаз анжах
Члал эвез я,

Дидедавай
Бала квахьун,
Баладивай –
Дидедин члал ...
Зулумат я
Ихьтин гьал хьун.
Яраб и гьал
Амукьда жал?

Гьасан ЭФЕНДИ



Зуруналди акьудна вун гьурбатдиз
Тавун патал чи лезги халкь уяхар.
Халкьдин гьахъвал чпин ажал тирди чиз
Зайифарна вун хьтин чи даяхар.

Ви ктабрин тварар са-сад кьизилдин
Гьарфаралди кьенва чи тарихда.
Алкьвадардилай кьуд патлахъни чи чилин
Машгьурзава абур гьар са арифда.

Ви квач хкьур гьар са хуьре, шегьерда
На Исламдин нур чукьурна, ам хвена.
Кичле тушиз хвена ам ви тегьерда,
Дин рикьваз суьргеундизни вун фена.

Етим ЭМИН

Ви весидай чир жезвайвал,
Залан хьана ви гьал-агьвал.
Делилрайни аквазва чаз,
Стхадини югъ ганач ваз.

* * *

Гьар ни вуч чаз лагьайтлани са карди
Вуж кьенатла, гьикь кьенатла лугьузва:
Етим Эмин кьена лагьай хабарди
Лезги халкьдин рикьер кьуна кьабарди

* * *

Ибур анжах ванер я буш,
Белки садни гьахьлубур туш.
Авач гьиле тайин делил,
Шаклу хьанва Гьажи Желил.



Магьамед ГьАЖИЕВ



На ви чирвал, вири кьуват, кланивал
Гана санлай лезги члалаз жумартдиз,
Хвена вуна лезги члалан михьивал,
Мукьва хьана ам лап члехи члалариз.

Магьарамдхуьр ви ери я, бине я.
Пагьиз тежер Ватан я ви Дагьустан.
Лезги члал ви зегьметдалди вине я,
Гьадаз гана на ви уьмуьр, на ви чан.

Вуна члалаз атлай дерин жигьирдай
Ви пайдах гьаз фена члалан алимар.
Устадар я абур ви твар загьирдай –
Писателар, шаирар ва малимар.

МУКАИЛ АГЪМЕДОВ

Дуьньядихъ галаз сувьбет циклдай



ЮБИЛЕЙ

ШАИР, РФ-дин писателрин Союздин член, ругуд ктабдин автор, Буткъазмайрин СОШ-дин малим, мухбир Мукаил Агмедован 60 йис тамам хъанва. «Самурдин сес» газетдин коллективди Мукаил Агмедоваз юбилей мубаракзава.



Эй фана дуьнья!
Вафа авачир.
Эй члана дуьнья!
Сафа авачир.

Эй заха дуьнья!
РикI кьуьзуй жезва.
Эй чхра дуьнья!
Рици гьуьргьуй жезвай.

Улам ава вахъ,
Сад агат тавур,
Макьам ава вахъ
Кьил акьат тавур.

Садаз вун пара,
Кьведаз бес хъанач.
Хьутлалрин хара,
Чаз серес хъанач.

Кьве чин ава вахъ,
Дасмалчидихъ хьиз.
Кьве гин ава вахъ,
Кьвалчидихъ хьиз.

Пачагьривай ваз,
Далу гуз хъанач.
Силагьривай ваз,
Кьурху гуз хъанач.

Зун гар, шагьвар я.
Кье вал кьугьвазвай.
Яргъавай яр я,
Вавди рахазвай.

Захъ жедай муьгьлет,
Чизва тек са ваз.
Захъ хъанвай девлет,
Тади тек са ваз.

Ви тлал-квал за фад,
Кужумда жува.
Тахуй лугьуз мад,
Муьгьманрин йува.

На гур вядедал,
Рази я шаир.
Анжах уьлкведа
Хуьх зи жигьир.

* * *
Ви накьварал уьмуьрда кьас,
Бахт гьатнач.
Садра кьван захъ чин элкьуьрдай,
Вахт гьатнач.
ГьакI ятлани, кланда дуьнья-
Квал хайи.
Гьар бендедиз руьгьдин кьуват,
Чал гайи.

* * *
Шумудан цава хьайи кьил
Агьузарна на.
Шумудаз дава хьайи гьил,
Ужузарна на.
Хъанани чилел уьммет
Вавай рам тахьай?
Хъанани чилел муьгьлет,
Инсанриз гьам тагай?

* * *
Зав гвай дердерин гьебе,
На залан авуна.
Захъ авай умудрин тепе,
На асклан авуна.

Гьахьсузвили залан пар,
Куьз на ялиз тазва?
Зайифариз руьгьдин зар,
Куьз чав кьализ тазва?

Шагьидрин шагь, гуьзгуй тир,
Вуч ава такур ваз?
Несилри, ви илчи тир,
Писвал тач машгьур вал.

Чав кьведа шанкIал хъана,
Валай гьил ахлуддай.
Тамамдиз акьал хъана,
Валай вил ахлуддай.

Амма рикI, руьгьдин баяд,
Тада ваз пишкеш яз.
Ам зи фикир, пак тир мурад,
Гьиссерин гимн хвеш я.

* * *
Гьикьван сирер ава вахъ,
Тайин ийиз тахьай.
Гьикьван хирер ала вал,
Секин ийиз тахьай.

Кайибур мад курна на,
Диб хкатуь лугьуз.
Гайибур мад гурна на,
Хиб тагатуь лугьуз.

Валай рази хъана кьей,
Кас хъанани сад кьван?
РикI кабагна кана кьей,
Касдиз ганан яд кьван?

Гьикьван вуна эхзава,
Бед инсанрин крар?
Гьикьван вуна цIвехзава,
Цавук кутаз гурар.

Заманайрин тIурфанри,
Дегишнач ви суфат.
Вал кьекьвей кьван инсанри,
Туна гьилин савкьват.

Вун квал хъана гьамарин,
Руфун ичи тирдаз.
Утагъ хъана гамарин,
Кур нефс пчи тирдаз.

Хьун герек я эхир кьил,
ХъанатIа вахъ, эвел.
Чаз багьа я ви пай чил.
Инсанрин кьеб эфзел.

ЯШАМИШ ХЬУН...

Дерт, хажалат, дуьшуьш
галачиз,
Эл жемьятдин кьаргьуш галачиз,
Кьени кардихъ ташвиш галачиз,
Экуь рекье чашмиш галачиз,
Яшамиш хьун бахтлувал я.

Хан тахьана регьбердикай ваз,
Цаз тахьана бегьбердикай ваз,
Мичлер такваз сегьердихъай ваз,
Кьалхан хъана сенгердикай ваз
Яшамиш хьун бахтлувал я.

Жуван тIварцел леке тагьана,
Гьарам лухма кьене тахьана,
«Зун», «зун» лугьуз вине
тахьана,
Акализ тум-фитне тахьана,
Яшамиш хьун бахтлувал я.

Сабурлувал, иман кьакьатна,
Багьрибурукай кьалгьан хкатна.
Агьу гудай илан хкатна,
Кьакьан цавар асклан хкатна,
Яшамиш хьун бахтсузвал я.

Хуш уьмуьрдихъ метлеб
тахьана,
Марифатдин мектеб тахьана,
Намус, гьейрат, эдеб тахьана,
Атунихъ жуьв себеб тахьана
Яшамиш хьун бахтсузвал я.

БАГЪМАНЧИДИН КАЛЕНДАРЬ

Багда гатун квалахар

БАГЪДА гатуз тамамарзавай квалахар гзаф важиблу я. И девирда емишдин тарари иллаки йигиндиз еримшизава, абур члехи жезва, квалубдиз къвезва, кведдай йисан бегьер гудай емишрин тлурарин диб язва. Гъавилай гатуз тарари еримишун патал къулай шартлар тешкилна канда. И кар патал накъв пурпу авун, алухдикай ва дувулрилай къвезвай хилерикай миъун чарасуз я. Цуърцер дибдила атлун герек я.

Бегьерлувал хкажун патал гатфарихъай тарарин пунариз пер ядайла вегей миянардай шейэрилай гъейри, тарариз тадиз агакьдай алава емни гун герек я. Виликамаз багъдиз яд гуда, и кар къурагъ вахтунда авун иллаки важиблу я. Тарариз таза фитерин, ткеьерин къаришма, гъакл минеральный миянардай шейэр гун хъсан я. 10-15 йис хъанвай са тарциз тахминан 10 ведро къаришма гуда. Ахпа хулар клевда.

Тарар зиянкаррикай ва азаррикай хуън рикелай ракурна кданч. Абур бордоский жидкость эвеззавай къаришмайрикай садал, месела, коллоидный гугуртдин суспензиядалди гьялна

канда. И карди жуьреба-жуьре азаррикай хуьда.

Тарариз ара-ара килигун ва кольчатый шелкопряддин, ичерин гъуьчлрен мукар тергун герек я. Малинайрин азарлу кул-кусарни арадай акъудна канда.

Куьлуь емишар зиянкаррикай ва азаррикай хуьнилай гъейри, абур алухдикай миъун, накъв пурпу авун, абуруз алава ем гун герек я. Некыйрин цийиз атанвай таза хилер («усыки») атлун герек я. И члавуз бязибур штилар патал тада. Бегьер гузвайбурун кланик къурай шейэр экяда. Смородинадин аклурдай къацу хилер гъазурда. Вири и квалахар питомникрани кыле тухуда. Са йисан къелемар куьруь ийида. Гатфарихъ тлур гана экъечлай хилер кутлунна канда.

Узьуьмлухра накъв пурпу ийида. Тегъенгрис квед лагай сеферда ем гуда. Артухан хилер алудда, клуквар атлуда. Тегъенгрис 1 процентдин бордоский жидкостдин къаришма яда. Къурагъ гъава-яр авайла яд гуда.

Н. ВЕЛИЖАНОВ,

«Информациядинни консультациядин къуллугъ» ГУ-дин Магъарамдхуьруьн филиалдин агроном, хуьруьн майишатдин илимрин кандидат.



РД-дин ФИНАНСРИН ЦИЙИ МИНИСТР

РЕСПУБЛИКАДИН финансрин министрдин къуллугъдал РД-дин Къил Рамазан Абдулатипова Али Исламов тайнарнава. Виликдай Исламова РД-дин финансрин министрдин сад лагай заместителдин къуллугъ тамамарзавай.

ЯПОНИЯДИН ИНВЕТОРАР ДАГЪУСТАНДА

ДАГЪУСТАНДИЗ инвесторар яз Япониядай мугъманар атана. Япониядин делегация РД-дин Гьукуматдин председатель Абдулсамад Гъамидова къабулна.



КОНЬЯКДИН ЗАВОД-ФЕДЕРАЛРИЗ

РОССИЯДИН Гьукуматдин буйругъдалди Дагъустанда авай «Къизлярдин коньякрин завод» ГУП федеральный хусусиятдиз элкьурнава». Гила Дагъустандин кархана Росалкогольрегулируваниедин ихтиярда ава. Экспертрин фикирдалди, заводдин кьиметди 20 миллиард манатдила гзаф тешкилзава.

КИТАЙДИН АВТОМОБИЛАР ДАГЪУСТАНДА

2015-ЙИСУЗ Дагъустанда КИтайдин автомобилрин «Донг Фенг» корпорацияди пар дашмишдай гъвечи квалубдин машина кватиз башламишда. И кар Дагъустандин «Авиагрегат» заводдин базадал ийида. Идалайни гъейри компания Россияда дилерский ва сервисный 26 центр ачухун фикирдиз къачунва. Абурукай ирид Дагъустандин гъа и заводдин базадал жеда.



Дуьньядилаь цлар илитна

ВЕНЕСУЭЛАДИН ПРЕЗИДЕНТДИН ИСТЕМИШУН

ВЕНЕСУЭЛАДИН президент Николас Мадуроди Рагъакидай патавай Россиядал бугътенар вегъин акъвазарун истемешна. 1-сентябрдиз Каракасада рахадай члавуз ада Москвадин тиварунихъ США-дин ва Европадин госуарствойрин патай къурхуяр гун ислемешна. «Чна Россиядиз талукъ яз гузвай къурхуяр дикъетдивди ахтармишзава,-раижна Мадуродин гафар ИТАР-ТАСС-ди. -Вичин аслу туширвилин хуси сес авай Венесуэлади Россиядик тахсир кутазвайбуруз адал бугътенар вегъин, адан аксина дяве тухудай багнаяр жагъурун акъвазарун истемешзава. Къуй ислягъвили агъвал авурай».

Мадуродин гафаралди, «Рагъакидай патан пачагълугъри Россиядиз къурхуяр гузва, ада вич хуьз башламишайла Рагъакидай патаз талукъ яз чапхунчивилин политика тухунай адак тахсирар кутазва».



Боливария республикадин президентди алава хуьвурвал, цийи къадагъяр эцигунин къурхуяр гун-«им Россия виликди фин акъвазариз кланз чалишмишвилер авун ва Китайдиз, гъакини БРИКС-дик (Бразилия, Россия, Индия, Китай, ЮАР) акатзавай муькуь уьлквейризни чар (послание) ракуьрун я».

400 ГЕКТАР ЧИЛ КЪУНА

РЕЙТЕР агентстводи 1-сентябрдиз хабар гайивал, Израилди Иордан вацун Рагъакидай патан къерехда авай чувудрин Эцион хуьрун тахминан 400 гектар чил къурдан гъакъиндай Иудеядин ва Самариядин гражданский администрацияди (им 1967-йисалай къунвай территориярал кваллахзавай Израилдин руководящий орган я) малумарна. Ихъ-

тин кардин себебар вуч ятла раижзавач.

США-ди и кардал са акъван шадвалнач. Чна Израилдин Гьукуматдиз и къарар дегишаруниз эвер гузва,- лагъана Америкадин Госдепартаментдай тир дипломатди. Ада алава хъувуна хьи, Израилдин ихътин гъерекатри палестинвийрихъ галаз алакъяр гуьгуьна хутадай мумкинвал гудач.

Палестинадин госуарство патал тайинарнавай территориярал Израилдин хуьрер кутуниз акси экъечизавай «Peace Now» тешкилатди малумаривал. 1980-йисарилай Рагъакидай патан къерехда Израилди икъван чилер къур им сифте сефер я.

Палестинадин регъбер Магмуд Аббасан пресс- секретарь Набиль Абу Рдаинаха Израилдиз чилер къун тавуниз эвер гана. «Ихътин къарарди еке дурумсузвилерал гъида. И карди анжах Газадин дяведилай гуьгуьуниз аксвилер артухарда»,- къейдна ада.

Израилдин эцигунрин министерстводи июндин сифте килерай, ФАТХ ва ХАМАС меслят хъхъуниз жаваб яз, Палестинадин территориярал чувудрин цийи 1500 квал эцигунин гъакъиндай тендер малумарнай. Ибурукай 400 квал рагъэкъечидай патан Иерусалимда, амайбурни Иордан вацун Рагъакидай пата эцигун планламишнава.

И районда яшамеш хъайи чувудрин 3 жегъил палестинвийри яна кьини Газада ирид гъафтеда давам гъуйи женгерал гъана. Гуьлле хун Египетдин арачивал аваз акъалтина.

Иордан вацун Рагъакидай патан къерехда ва Рагъэкъечидай патан Иерусалимда 500 агъзур израилвини 2,4 миллион палестинви яшамеш жезва. И территорияр Израилди 1967- йисуз кыле фейи ругуд йикъан дяведин вахтунда къуна. ООН-ди и чилерал чувудрин хуьрер хун законсуз, международный законодательстводиз акси кар яз гъисабзава.

АЗАД АБУНИН ШАРТИАР

«Фронт-ан-Нусура» дестедин боевикри Сириядин Голландский тепейрин пата къур Фиджидай тир ислягъвал хуьдай 45 кас азад авунин шартлар малумар-

нава. Идан гъакъиндай, Фиджин армиядин векилдин гафарал асаслу хъана, Ассошиэйтед Пресс Агентстводи хабар гузва.

Адан гафаралди боевикри «Фронт –ан Нусура» ООН-дин террориствилин дестейрин сиягъдай акъудун, Сириядин меркез Дамаскдиз мергъяматлу куьмек гун тешкилун, гъакини ООН-дин офицеррихъ галаз кыле фейи женгера яна къейи 3 боевикдай эвездин пулар хгун истемешзава.



«ООН-дин векилар Сириядиз залуквиле къунвайбур азад хъийидай рахунра иштиракун патал фенавайди тир»,- къейдна армиядин векилди.

«Аль-Каидадихъ» галаз алакъада авай боевикри 28-августдиз Аль-Кунейтрдин патарив ООН-дин ислягъвал хуьдайбур къуна. Филиппинрин ислягъвал хуьдайбурун 72 касдикай ибарат тир къве десте Сириядин исламистри Голландский тепейрин патав гвай гуьзчивал тухудай пунктарикай сана элкьуьрна къуна.

31-августдиз боевикри гъужумайдалай гуьгуьуниз Филиппинрин ислягъвал хуьдайбур вири азадна ва Израилдин территориядай масаниз акъудна. Миссиядин къуллугъчийрикай садазни зиян хъанач.

Голландский тепейр-ибур муьквал тир Рагъэкъечидай пата гуьжет алай территорияр я. Дамаски и тепейр Сириядин пай яз гъисабзава. 1974- йисалай гуьжет алай регионда Сириядин ва Израилдин къушунар чара ийизвай ООН-дин ислягъвал хуьдайбур ава. Абуру къве уьлкведин арада гуьлле гун акъвазарунал гуьзчивал тухун лазим я.

Аялрин къайгъуда

РАЙОНДИН администрацияда яшар бегъем тамам тахъанвайбурун крариз ва абурун ихтиярар хуьниз килигдай комиссиядин нубатдин заседание хъана. Ам и комиссиядин председателдин заместитель, образованиедин управлениедин начальник Улубег Абейдуллаева тухвана. Заседаниедал четин гъалда авай хизанар ва яшар бегъем тахъанвай аялар дуьздак акъудуниз ва абуруз яшайишдин рекъай къуллугъар авуниз талукъ месэладиз килигна. Адан гъакъиндай малумат махсус Центрдин отделенидин заведующий Ирма Латифо-

вади авуна. Ада кватл хъанвайбуруз малумарайвал, гъахъ-гъисабдин девирда четин шартлара авай 201 касдиз куьмекар гана, 2070 къуллугъ авуна. Отделениедин пешекарри ахътин хизанриз килигун патал рейдар тешкилзава. Алай вахтунда гъалар хъсанзавачир 227 хизан учетдиз къачунва.

Мярекатдал гъялай месэладиз талукъ яз махсус къарар къабулна.

Заседаниедал гъакъ къайдаяр члуруниз талукъ яз Россиядин ОВД-дин Магъарамдхуьруьн районода авай отделдай атай административный делойризни килигна.

Са тIумил

хъвер

къаз



ЖЕГЪИЛ итим окулистдин патав къевезва ва арза ийизва:
- Духтур, мехъерар авурдалай къулухъ зи вилерин ишигъ зайиф хъанвай хътиинди я: заз пул аквазмач.

ДУХТУРРИН консилиум къиле физва. Абуру азарлуди гъикл сагъардатла ван алаз гъуьжетар ийизва, амма вири са фикирдал къевезвач. Гъуьжетар лап къизгъин хъанвайла са пипле суст хъанвай патологоанатом къарагъзава ва вичин фикир лугъузва:

-Гадаяр, квез ам гъикл сагъар хъийиз кланзаватла заз чидач. Амма риклел хух, 15- числодиз зун отпускардиз

экъечIзава, гъавиляй вуч ийизвайди ятIа, гъа чIавалди куьтягъиз чалишмиш хъухъ. ТахъайтIа моргда авай холодильник гъаклани ацанва...

САРАРИН духтур:

-Азарлуди. Ингъе ви свах.

Азарлуди:

-Сагърай духтур, ингъе куь креслодин куьнт эцигдай тахта.

ДУХТУРДИ азарлудаз лугъузва:

-Къе квее таблетка къабулла.

Пака, эгер ахварай аватайтIа, мад квед.

ВАГЪИДА аптекардиз фена хъбар къазва.

-Квез тIарвал тагудай дарман авани?

-Ви гъи чка тIазва?

-Гъелелиг са чкани, амма дах диде-бубайрин собраниедиз фена...

2015 -
ЙИС ПАТАЛ

САМУРДИН
eee

ГАЗЕТДИН
ПОДПИСКА
БАШЛАМИШНАВА

ИНДЕКС:
6 вацра - 51406
12 вацра - 63340

ГАЗЕТ
райцентрдал почтампда,
хуьрера адан отделенийра
подписка ийиз жеда.

ГАЗЕТДИН КЪИМЕТ
6 вацра - 167,4 манат
12 вацра - 334,8 манат



Гъепецгърин СОШ акъалтIарайдан гъакъиндай 2001-йисуз Аюбов Фарид Эфендиевичаз гайи А-7311578- нумрадин аттестат квахъуниз килигна къуватда амачирди яз гъисабин.

Магъарамдхуьруьн 2- нумрадин юкъван школа акъалтIарайдан гъакъиндай 2007- йисуз Ферзалиева Аделя Зауровнадиз гайи 05-ББ 0003471- нумрадин аттестат квахъуниз килигна къуватда амачирди яз гъисабин.

Къилин
редактор
А. ИСМАИЛОВ.

Газет гъафтеда
садра акъатзава.

Газет Магъарамдхуьруьн райондин администрацияда регистрация авуна.
Регистрациядин № 301.

Редакциядин адрес: Магъарамдхуьр,
Ленинан куьче, 4.

Телефонар: редактор- 25-1-37, жавабдар
секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чапун патал къул члуьгуна- 15.00.

Газет ООО «Самур» типографияда гъазурна ва гъана чапна. 368780. Магъарамдхуьр, Ленинан куьче, 4. Лезги чIал.

Индекс 63340. Тираж 1280.
Заказ № 44.

+7